

Cartulaire de Marmoutier pour le Perche (N.-D. du Vieux-Château Collégiale de St-Léonard de Bellême et Prieuré de St-Martin-du-Vieux-Bellême), Nr. 66

Universis Christi fidelibus ad quos presentes littere pervenerint Gaufridus, comes Pertici, salutem in Domino. Noverit universitas vestra quod Hubertus Capreolus coram nobis dedit et concessit in puram et omnino liberam elemosinam, excepto servitio nostro monachis Sancti Leonardi Belismensis Robertum Canem et totum tenementum ejus. Quod ut fidelius in perpetuum observetur presentem paginam sigilli nostri testimonio fecimus roborari.